



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Magistro Peregrino Capellano nostro.

urn:nbn:de:hbz:466:1-20020

fidelitatis more solito præstiterat juramen-
 tum. Vnde cùm prædicta Ecclesia de
 Neptuno sit præfato Episcopo diocesana
 lege subjecta, petebat restituū sacerdotem
 ad administrationem & personatum, ut &
 eidem Episcopo de spiritualibus, monachis
 verò de temporalibus responderet. Ycono-
 mus verò monasterij è contrà respondebat
 administrationem tam in temporalibus
 quām in spiritualibus & Ecclesiam sæpe-
 dictam ad monasterium tantummodo per-
 tinere, nec in aliquo Episcopo teneri, cùm
 sit ipsum monasterium Romanæ Ecclesie
 speciale, ac exemptus tam in capite quām
 in membris. quod probare per sua privile-
 gia intendebat, quæ post multas inducias
 & terminos peremptoriè sibi datos ad pro-
 bandam suam intentionem coram nobis
 exhibere in judicio non curavit. Dicebat
 tandem, de longa consuetudine Abba-
 tem & monachos habere potestatem in Ec-
 clesiis suis administratorem temporalium li-
 berè ordinare. Quod cùm probare nolu-
 ser, idem yconomus postmodum confessus
 fuit in nostra præfentia quod Episcopus
 præfatum sacerdotem in supradicta Eccle-
 sia ad representationem Abbatis & mona-
 chorū institut & confirmavit. Nos verò
 visis & auditis allegationibus hinc inde pro-
 positis & confessionibus utriusque partis,
 dicimus Presbyterum scepdiūm resti-
 tuendū ad administrationem & persona-
 tum Ecclesie memoratæ.] Nulli ergo om-
 nino hominum liceat hanc paginam nos-
 tra confirmationis infringere, vel ei &c.
 usque incursum. Datum Laterani II. Kal.
 Septembri, anno tertio decimo.

EPISCOPO PARISIENSI.

Epib. 130.
 Vt præbenda
 relevata con-
 feratur consan-
 guineo Papæ.

Ad signandum devotionis affectum
 quam erga nos te non ignoramus ha-
 bere, præbendam in Ecclesia Parisiensi
 vacantem in manu propria reservasti, cui-
 que vellemus, sicut per tuas nobis in-
 intimasti litteras, conferendam, habiturus
 gratissimum si alicui de sanguine nostro
 conferre dignaremur eandem, quem ob
 nostram reverentiam & amorem honorat-
 tur te afferis & sincerissime dilectorum.
 Super quo liberalitatem tuam in Domino
 commendantes, de tantæ devotionis indi-
 cio gratiarum tibi referimus actiones. Dig-
 num itaque reputantes ut de tuo mune-
 re tuo satisfiat affectui, præbendam ipsam
 dilecto filio Benedicto consanguineo nos-
 tro, adolescenti siquidem bona indolis,
 quem non minus signa virtutum, que in
 tenera videntur atate præludere, quām

sanguis aut caro nobis reddunt acceptum,
 duximus concedendam, sperantes quod
 tunc maximè prælibatam præbendam or-
 dinatam esse gaudebis ad votum cùm per
 ipsum & ex ipso Domino concedente vi-
 debis tibi & Ecclesia tua gratum proveni-
 re profectum. Quocirca fraternitatem
 tuam monemus, per apostolica tibi scrip-
 mandantes quatinus dilectum filium ma-
 gistrum Peregrinum Capellum nostrum
 vice ac nomine præfati Benedicti ad can-
 dem præbendam recipi facias in Canoni-
 cum & in fratrem, & stalllo Chori ac loco
 Capituli tibi assignato, de more ipsum in
 corporalem ejusdem præbendæ possesso-
 nem inducas, & inductum facias campa-
 paciè possidere. Nos enim eundem Bene-
 dictum ad te, opportunitate recepta, dan-
 te Domino transmittimus. Datum Late-
 rani Idibus Septembri, pontificatus nostri
 anno tertio decimo.

MAGISTRO PEREGRINO
 Capellano nostro.

Ad signandum devotionis affectum
 quam venerabilem fratrem nostrum
 Parisiensem Episcopum erga nos non igno-
 ramus habere &c. in eundem ferè modum ut
 in alia usque profectum. Vnde ipsi per
 scripta nostra mandamus ut te vice ac no-
 mine præfati Benedicti ad eandem præben-
 dam recipi faciat in Canonicum & in fra-
 trem, & stalllo Chori ac loco Capituli tibi
 assignato, de more te in corporalem ejus-
 dem præbendæ possessionem inducat, &
 inductum faciat pacificè possidere. Nos
 enim eundem Benedictum ad ipsum, op-
 portunitate reperta, dante Domino trans-
 mittimus. Quocirca discretioni tuae per
 apostolica scripta mandamus quatinus su-
 per hoc quod ad te pertinet exequaris.
 Datum &c. ut in alia per totum.

TVRONENSI ARCHIEPISCOPO,
 & Episcopo Engolismensi, & Abbi
 Gratiae Dei Cisterciensis ordinis.

Detestabile facinus & piacularē flagi-
 tium quod à quibusdam filiis Belial,
 nonnullis Canonicis Cellensis Ecclesie in-
 stigantibus, sicut nobis venerabilis frater
 noster Piætavensis Episcopus intimavit,
 nuper exitit in Cellensi Ecclesia perpetu-
 tum, maximam non immeritò menti no-
 stræ amaritudinis causam ingessit, dum vi-
 perea soboles in proprij parentis necm
 exarsit, & perditionis filii sui patris interi-
 tum inofficio non sunt veriti malignita-
 tis studio machinari. Quem siquidem tam